

D'Rhyschnogge



Schnitzelbank 1927

1. D'Priegelschrof — das Regiment,
In d'r Schuel isch jetz am Aend!
D'r Lehrer, dä fuxi's — sowieso,
Schimpie darf är — blos nit schlo!
Uf d'r Lehrer bruchsch nimm z'lose,
Aer ka dir in's Fidle bl . . . !
2. Was machsch au Basler Haimetschutz?
Froge mir di - Gottfriedschutz!
Gsehsch nit wie si d'Schtadt versaue?
Es isch e Schand, eso goh z'baue!
Die neiy Bangg gseht — ohni Schmus,
Aerger no wie 's Zuchthus us.
3. D'Kinderwäge — mit d'r Zyt,
Mien numeriert sy! — 's kunnt sowyt.
„Sens unique“ und „Verkehrsverbot“
E Reform — das fählt bigott,
D'r „Zuekunftswage“ — das isch klar,
Dä gsehn si do fir Ehepaar!
4. D'Altersfirsorg — d'Komunische,
Dergege ganz komun die mischte!
Mit ihne isch — 's isch nit normal,
D'r Liberal — nit liberal!
Fir d'Wohltat isch doch sunscht miseel,
Me z'Basel als — ai Härz, ai Seel!
6. Hesch z'viel Fett — wirsch immer toller,
Kauf du dir — e Pinkliroller!
Erfille duesch e g'wisse 'Zwägg,
Und di Fett — goht rasch ewägg!
Bisch nervös — hesch Raiz im Blut,
Oh, — wie duet dä Roller guet!
5. 's Tanzschiff — 's Paradies fir Gugge,
Und Schritzi — wo sich ummedrugge!
Im tanze dert, im grosse ganze,
Als „Schbiesser“ — do bisch Hängepflanze!
Bym „Charleston“ do blamiersch di blos,
De maischte g'fallts nit — si geh'n los!
7. D'r „Glaini Nazi“ — samt der Alte,
Kenne nimmi d'Schnerre halte!
E G'schrai macht do dä jungi Drybel,
Mit sym „Dodo“ — 's wird aim ybel!
Getti — los, — gib du däm Baschter,
Aendlig doch uf's Mul e Pflaschter!
8. 's „Ai-Ma-System“ schträngt — sowieso,
D'r Trämmer a — är kunnt nit nol
D'Verwaltig sait: 's goht mit aim Ma,
Denn Fahrgäsch heb's als z'wenig g'hal
Doch alli Lyt, die schimpfe dryber,
Nit numme d'Männer — b'sunders d'Wyber!
9. Basel-Schtadt und -Land — perseh,
Wird ai Kanton — ihr werdet's gseh!
Doch d'Presse mit d'r grosse Schnerre,
Frogt: passt „schwarz-rot“ — de Basler Herre?
By d'r Landschaft — do haisst's gly:
Mer wai luege — jo 's cha sy!
10. Me duet do wäge däm bludde Rugge,
D'r Fasnacht aine yne drugge!
„D'Olympia“ — das isch famos,
Wird konfisziert däm uf em Schoos!
D'Sittlichkait — d'r Regierigsrot,
Z'Basel an d'r Schbitze schtoht.